



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### გველხოკერა



გველხოკერა

გველხოკერა (*Ophisaurus apodus*), უფეხო ხვლიკი ბობმეჭასებრთა ოჯახისა. მისი სხეულის სიგრძე 1,5 მ-მდე აღწევს. გავრცელებულია სამხრ.-აღმ. ევროპაში და სამხრ.-დას. აზიაში. გვხვდება აგრეთვე კავკასიასა და შუა აზიაში. აღის ზ. დ. 2000 მ-მდე. საქართველოში თითქმის ყველგანაა. ბინადრობს მთისწინა ველებზე, ბორცვიან რელიეფზე, ტყის პირებზე, ბუჩქნარეში, ბალებში და ა. შ. კარგად ცურავს, თავს აფარებს მღრღნელებისა და სხვა ცხოველების სოროებს, ხეებქვეშ, ქვის ყორეებს. ალაგ-ალაგ საკმაოდ მრავალრიცხოვანია. ყველაზე უფრო აქტიურია გაზაფხულსა და ადრე ზაფხულში. იკვებება მწერებით, მოლუსკებითა და სხვა უხერხემლოებით, აგრეთვე წვრილი ხერხემლიანებითაც. დებს 6-10 კვერცხს. ნაშიერები იჩეკებიან ივლ. ბოლოდან სექტ. ჩათვლით. სქესობრივ სიმწიფეს აღწევს მე-4 წელს. მიუხედავად ძლიერი ყბებისა, დაჭერილი გ. არ იკბინება, კარგად იტანს ტყვეობას და ეჩვევა ადამიანს. მავნებლების განადგურებით სარგებლობა მოაქვს.

**თ. მუსხელიშვილი**

---